



## Universitätsbibliothek Paderborn

**R. P. Richardi Arsdekin Soc. Iesu S. Theol. Professoris  
Theologia Tripartita Sive Resolutiones Polemicæ,  
Speculativæ, Practicæ, Controversiarum, & Quæstionum,  
etiam recentissimarum, quæ in Schola, & ...**

Missionarijs, & alijs animarum Curatoribus, & Theol. studiosis solerter  
accommodatæ ...

Complectens copiosè Resolutiones Theologicas, etiam modernas, ad  
proxim accommodatas

**Archdekin, Richard**

**Antverpiæ, 1682**

Caput 8. Praxis & forma Hæreticos Ecclesiæ Catholicæ reconciliandi.

**urn:nbn:de:hbz:466:1-40873**

Pars 3. tr. 3. cap. 8 Forma hereticum reconcil. 307  
poterit recentem Tractatum à Daniele Camp-  
fordo diligenter elaboratum.

## C A P U T V I I I .

### Praxis & forma Heretico Ecclesiæ Catholice reconciliandi.

**P**RIMO, Si hæreticus, qui cupit reconciliari Ecclesiæ habeat justam causam dubitandi, an fuerit inter hæreticos validè baptizatus, debet ante omnia Baptismus illi sub conditione conferri, cum hac forma, Si non es baptizatus, ego te baptizo in nomine Patris &c.

**S**ECUNDO, Si Sacerdos, qui hæreticum reducit, non habeat facultatem extraordinariam, quæ requiritur ad absolvendum ab hæresi, debet eum remittere ad Episcopum, vel alium qui tale privilegium habet, ut ab hæresi, & excommunicatione illi adjuncta absolvatur.

**T**ERTIO, Debet instrui in punctis fidei, præsertim contentis in Symbolo Apostolorum, & in præcipuis articulis, in quibus anteà dissidebat ab Ecclesia Romana: quos invenies explicatos supra in parte 2. controversiarum fidei.

**Q**UARTO, Ante Confessionem Sacramentalm debet ab eo exigi Hæresis abjuratio, nuncupando professionem Catholicæ fidei juxta formulam in Tridentino præscriptam, quam pro Confessarii commodo in hujus cap. fine subjiciemus.

Si is, qui reconciliatur, fuerit tantùm occultè hæreticus, sufficit dictam fidei professionem aut æquivalentem occultè præstare, cum vera contritione de sua hæresi, & firmo proposito non.

308 Pars 3.17.3. cap 8. *Enim hæreticum reconcil.*  
non relabendi , ita Thom. à Jesu de convers.  
gent. 1.8. p.2. Quòd si fuerit publicè hæreticus  
requiritur abjuratio publica , v. g. præsente a-  
liquo populi cœtu in Sacro , aut Concione:  
nisi tamen gravis damni periculum a publica  
abjuratione excuset.

Quintò , Debet instrui de modo examinandi  
conscientiam in ordine ad Confessionem gene-  
ralem suorum peccatorum , quod commode  
fiet proponendo ipsi præcepta Decalogi , ut à  
nobis inferius explicata , aut in alia forma bre-  
viori. Ut verò exponat admissa contra præ-  
cepta Ecclesiæ , ut est omissio Sacri , jejunii &c.  
sufficit explicare spatum temporis , quo in hæ-  
resi versatus fuit , ex hoc enim illa satis intelli-  
guntur. Hæc autem Confessio fieri debet , &  
pœnitentia idonea injungi , antequam ad sa-  
cram Communionem admittatur.

Sextò , Prūs absolvī debet à vinculo excom-  
municationis , quam per Hæresim incurrit ,  
quām ipsi conferatur absolutio peccatorum.  
Excommunicatio enim impedimentum est ab-  
solutionis Sacramentalis ab hæresi , & cæteris  
peccatis.

Postremò , Post absolutionem ab excommu-  
nicatione , hæresi , & peccatis , admonendus est  
(nisi prudentia aliud dicit) manere irregulari-  
tatem , & incapacem esse ad Ordines sacros ,  
& beneficia Ecclesiastica , nisi accedat dispen-  
satio Pontificis , vel alterius cui ille dispensandi  
potestatem commisit.

Potest denique Confessarius , si habeat Mi-  
sionarii privilegium , hæretico sic converso in  
prima Communione pro majori animæ solatio  
Plenariam peccatorum Indulgentiam largiri.

Forma

Forma Professionis Fidei ex Trid. & Bulla  
Pii IV.

Ego N. N. firmā Fidei credo, & profiteor  
Omnia, & singula, quae continentur in  
Symbolo Fidei, quo Sancta Romana Ecclesia  
utitur, videlicet.

Credo in unum Deum Patrem omnipotentem  
&c. Apostolicas, & Ecclesiasticos traditiones,  
reliquaque ejusdem Ecclesiae observationes, &  
constitutiones firmissimè admitto, & ample-  
ctor. Item sacram Scripturam juxta eum sen-  
sum, quem tenuit, & tenet Sancta Mater Ec-  
clesia, cuius est judicare de vero sensu, & in-  
terpretatione sacrarum Scripturarum, admit-  
to: nec eam unquam nisi juxta unanimē con-  
fensem Patrum accipiam, & interpretabor.  
Profiteor quoque septem esse verē, & propriè  
Sacramenta novae Legis à Jesu Christo Domi-  
no nostro instituta, atque ad salutem humani  
generis, licet non omnia singulis, necessaria,  
scilicet Baptismum, Confirmationem, Eucha-  
ristiam, Pœnitentiam, Extremam Unctio-  
nem, Ordinem, & Matrimonium, illaque gra-  
tiam conferre, & ex his Baptismum, Confir-  
mationem, & Ordinem sine sacrilegio reitera-  
ri non posse. Receptos quoque, & approba-  
tos Ecclesiae Catholice ritus in supradictorum  
omnium Sacramentum administratione reci-  
pio, & admitto. Omnia, & singula, quae de  
peccato originali, & de justificatione in sacro-  
sancta Tridentina Synodo definita, & declara-  
ta fuerunt, amplector, & recipio. Profiteor  
pariter in Missa offerri Deo verum, proprium,  
& propitiatorium Sacrificium pro vivis, & de-  
functis

310 Pars 3. tr. 3. cap. 8. Forma Professionis Fidei.  
functis: atque in sanctissimo Eucharistiae Sa-  
cramento esse verè, realiter, & substantialiter  
Corpus, & Sanguinem unà cum anima, & di-  
vinitate Domini nostri Jesu Christi, fierique  
conversionem totius substancialiæ panis in Cor-  
pus, & totius substancialiæ vini in Sanguinem:  
Quam conversionem Catholica Ecclesia tran-  
substaniationem appellat. Fateor etiam sub  
altera tantum specie totum, atque integrum  
Christum, verumque Sacramentum sumi. Con-  
stanter teneo Purgatorium esse, animasque ibi  
detentas fidelium suffragiis juvari: Similiter &  
Sanctos unà cum Christo regnantes venerandos  
atque invocandos esse, eosque orationes Deo  
venerandas: Firmissimè assero imagines Chri-  
sti, ac Deiparæ semper Virginis, nec non alio-  
rum Sanctorum habendas, & retinendas esse,  
atque eis debitum honorem, ac venerationem  
impertiendam. Indulgentiarum etiam potesta-  
rumque usum Christiano populo maximè salu-  
tarem esse affirmo. Sanctam Catholicam, &  
Apostolicam Romanam Ecclesiam omnium Ec-  
clesiarum Matrem, & Magistrum agnosco: Ro-  
manoque Pontifici B. Petri Apostolorum Prin-  
cipis Successori, ac Jesu Christi Vicario veram  
obedientiam spondeo, ac juro: cætera item à  
sacris Canonibus, & Oecumenicis Conciliis, ac  
præcipue à sacrosancti Tridentina Synodo tra-  
dicta, definita, & declarata, indubitanter re-  
cipio, atque profiteor, simulque contraria om-  
damnatas, & rejectas, & anathematizatas,  
ego pariter damno, rejicio, & anathematizo.  
Hanc veram Catholicam Fidem, extra quam ne-

mo

Pars 3. tr. 3. cap. 8. Forma Professionis Fid. i. 311  
mo salvis esse potest, quam in praesenti sponte  
profiteor, & veraciter teneo eamdem inte-  
gram, & inviolatam usque ad extremum vitæ  
spiritum constantissimè (Deo adjuvante) retine-  
re, & confiteri, atque à meis subditis, vel illis,  
quorum cura ad me in munere meo spectabit,  
teneri, doceri, & prædicari, quantum in me  
erit, curaturum, Ego idem N. N. spondeo, vo-  
veo, ac juro. Sic me Deus adjuvet, & hæc  
Sancta Dei Evangelia.

*Praxis disponendi ad actus in Contritione perfecta  
requisitos.*

1. **C**onsidera N. serio, & cum intimo animi  
sensu, Te graviter offendisse, & toties  
offendisse infinitam Dei majestatem, tuum  
Creatorem, Redemptorem, & Judicem supre-  
num, qui eodem momento quo peccabas po-  
terat Te detrudere ad æterna inferorum suppli-  
cia, in quibus hac ipsa hora, & per infinita an-  
norum millia sine spe veniæ ardore debuisses, ut  
alii innumeris, *Anima qua peccaverit ipsa morietur.*

1. Ex altera parte expende, Paternam Dei  
Misericordiam, Bonitatem, & Benignitatem  
infinitam, qui Te tanquam Filium prodigum,  
expansis in Cruce brachiis, ad pænitentiam ad-  
ducit, & inclinato Capite ad osculum æternæ  
pacis & amoris admittit, dicens, *Nolo mortem  
peccatoris, sed magis ut convertatur & vivat.* Quis  
Rex aut Princeps subditum & mancipium suum  
Læsæ majestatis reum tam benignè absolveret,  
& ad suam aulam & gratiam admitteret? O  
Pater misericordiarum! O Deus totius consola-  
tionis meæ.

*Actus*